

四庫全書

子部

# 欽定四庫全書

子部  
外科理例卷五

詳校官太醫院吏目臣宋桂

編修臣倉聖脈覆勘

總校官庶吉士臣何思鈞

校對官助教臣胡予襄

謄錄監生臣崔堂

欽定四庫全書

外科理例卷五

明 汪機 撰

臂疽一百十五

一人年將六十五月患右臂膊腫盛上至肩下至手指  
色變皮膚涼六脈沉細而微此脈症俱寒乃附骨癰  
也開發已遲以燔針啟之膿清稀解次日肘下再開  
之加呃逆不絕與丁香柿蒂散兩服稍緩次日吃逆

尤甚自利臍腹冷痛腹滿食減時發昏憤矢左乳下  
黑盡處二七壯又處托裡溫中湯一兩半與服或曰  
諸痛瘡瘍皆屬心火又時當盛暑而用薑附可乎予  
曰經云脈細皮寒瀉利前後飲食不入是為五虛况  
呃逆胃中虛寒此症內外相反須當舍時從症遂投  
之諸症悉去飲食倍進瘡勢溫膿色正復用五香湯  
數服月餘而愈

機按此症多屬虛寒此方專用辛熱以治之其寒

不用參朮以補其虛蓋因呃逆腹滿乃氣鬱壅也  
想必其人年雖老脈症雖虛而形體頗實非陰虛  
呃逆比

一揮使臂腫一塊不痛不赤脈弱懶食時嘔以六君子

二加藿香酒炒芍藥嘔止食進再以八珍湯

十四二十

餘劑膿成刺之又以十全大補而愈次年傷寒後臂

復腫微痛乃傷寒餘毒也然無表症但虛弱耳先用  
十宣散四劑取參耆歸扶助元氣防風桔梗白芷

厚朴行散腫結肉桂引經破血腫退三四再用八珍  
湯膿潰而愈至冬臂復作痛因服祛風藥反筋攣痛  
甚此血虛不能養筋筋虛不能束骨用加味十全大  
補湯<sup>十</sup>二百貼而愈

一女臂患腫潰久不斂寒熱交作五心煩熱飲食少思  
月水不通以逍遙散月餘少可更服八珍湯<sup>十</sup>加牡

丹皮香附又月餘經通再加黃耆白斂兩月餘而愈

此憑  
症也

一人臂腫患毒作痛服寒涼藥食少大便不實予用理中丸二服更以六君子加砂仁藿香再以托裡膿潰而愈

此因治不應而變方也

凡瘡痛甚者若稟厚有火宜苦寒藥若稟薄者宜補中益氣湯加苓連之類在下加黃柏人肥加荆防獨羌之類取其風能勝濕也

婦左臂臆經部分結腫一塊年許不潰堅硬不痛肉色不變脉弱少食月水過期日晡發熱遇勞或怒則

痛此不足症也與參耆歸朮芍地芍藥貝母遠志香

附桔梗牡丹皮甘草百餘貼而消

此因症脈也

大抵婦人之病多起於鬱鬱則氣血受傷百病生矣

一人臂患漏口乾發熱喜膿不清稀脈來遲緩灸以豆  
豉餅服八珍湯<sup>四十</sup>加麥門五味軟柴胡地骨皮三月  
餘而愈後因房勞復潰膿清脈大辭不治果歿

河間曰因病致虛為輕蓋病勢尚淺元氣未虛也若



病初愈或飲食勞倦房勞加至羸損此因虛致損則為重病勢已過元氣已索故也

一兒臂患痘毒作抄按之復起此膿脹痛也刺之以托裡而愈

一婦臂結一塊已潰不斂灸以豆豉餅更服托裏藥而愈

一人年踰三十素怯弱不能食冷臂患一毒脈虛弱予以托裏藥而消但飲食少思或作脹或吞酸日漸羸

瘦參苓等藥不應右尺脈弱此命門火衰不能生土

遂以八味丸補土之原飲食漸進而愈

此憑脈症也

一媼左臂結核年餘方潰膿清不飲以十全大補湯

三十

外用附子餅灸及貼補藥膏調護得宜百貼而愈

此憑

症也

一人多慮神勞年近五十左膊外側紅腫如粟予曰勿

輕視得獨參湯數斤乃佳數貼而止旬餘值大風拔

木瘡上起一紅線繞背抵右肋與大料人參湯加芎

木補劑兩月而安

機按此條因形因經而為治

也

一婦臂痛筋攣不能屈伸遇寒則劇脈緊細此良甫所

謂肝氣虛為風寒流於血脈經絡搏於筋筋不榮則

乾急為痛先用舒筋湯三八更用四物湯九加牡丹皮

澤蘭白朮而愈亦有臂痛不能舉或轉左右作痛由

中腕伏痰脾氣滯不行宜茯苓丸一百十三或控涎丹治

之

此因脈處之治

一人手臂結核如粟延至頸項狀似瘰癧此風濕流注  
用加減小續命湯<sup>七</sup>及獨活寄生湯<sup>七</sup>更以托裡藥  
倍加參耆歸朮百貼而愈

機按此條有症急脈認作風濕流注而治當時必  
有所見也後用補劑百貼而愈是終不離于虛也

一兒三歲臂患毒焮痛服解毒丸搽神功散<sup>八</sup>而消

此條

症脈不詳當時必有所見

嘗治臂毒便閉煩燥服五福化毒丹

一百

九亦効若膿成急刺用紙撚醮麻油絰瘡內以膏藥

貼之若兒安靜不必服藥候有膿取去仍用絳貼

一人肩患疽脈數飲槐花酒一服勢頓退再與金銀花

黃耆甘草十餘服而平

此憑脈也

槐花治濕熱之功最為神速胃寒不宜過劑

尹老家貧形志皆苦自幼顏疔至冬於手陽明大腸經分出癰  
第四日稠膿臂外皆腫痛在手陽明左右經中其脈俱弦  
按之洪緩有力此得自八風之變以脈斷之邪氣在表  
飲食如常大小便如故腹中和口知味知不在裡也不惡

風寒只熱躁脈不浮知不在表也表裏既和邪在經脈之中故曰凝手血脈為癰是也癰出身半已上故風從上受因知為八風之變而瘡只在經脈之中法當却寒調和經脈中血氣使無凝滯可愈矣宜用以白芷升麻湯二百三十九機按此方舉一身而言故陽明為一身之中若以各經言之而陽明亦自有表裏中三等之劑太陽亦有表裏中之方餘經皆可以類推也

一人年踰三十臂患癰潰而不痛膿稀脈弱丹溪曰疽

潰深而不痛者胃氣大虛不知痛也東垣曰膿水清  
稀瘡口不合氣血俱虛也理宜大補彼不聽服消毒  
藥氣血愈虛遂不救

丹溪曰纔見腫痛叅之脈症倘有虛弱便與滋補氣  
血可保終吉又曰潰瘍內外皆虛補接為主茲則見  
善不從自用已智寧免死乎

一人年逾四十臂患毒焮痛作嘔服托裏消毒藥愈盛  
予用涼膈散二劑頓退更以四物湯加芩連四劑而

消

機按此則所謂腫瘍熱毒攻心而作嘔也

一人兩臂腫痛服托裏藥日盛予謂腫屬濕痛屬大此

濕熱流注經絡也用人參敗毒散加威靈仙酒炒黃

芩南星數劑漸愈更以四物湯九加蒼朮黃柏桔梗

二十餘劑而消 按此托裏藥日盛故改作濕熱

治也

一尚書左臂肘患一紫泡根畔腫赤大腸脈訖予謂訖



主失血或積血公曰血痢未瘳以芍藥湯九二劑更

以人參敗毒散六二劑瘡痢並愈

機按用芍藥湯以治血痢用敗毒散以治紫泡但  
所錄脈症未甚詳悉觀其所治多屬血熱而近實  
也

背疽一百十六

焮痛或不痛及麻木者邪氣盛也隔蒜灸之痛者灸至  
不痛不痛者灸至痛毒隨火而散再不痛者須明灸

不隔蒜灸之或用黃連解毒散之類

右關脈弱而肌肉遲生者宜健脾胃

頭痛拘急乃表症先服人參敗毒散一二劑如焮痛用

金銀花散或槐花酒神効托裏散

焮痛腫硬脈實者以清涼飲仙方活命飲苦參丸

腫硬木悶疼痛發熱煩燥飲冷便秘脈沉實者內疎黃

連湯或清涼飲大便已利欲得作膿用仙方活命飲

托裏散蠟礬丸外用神異膏

飲食少思或不甘美用六君子湯加藿香連進三五劑  
更用雄黃解毒散洗患處每日用烏金膏塗瘡口處  
候有瘡口即用紙作捻蘸烏金膏絛入瘡內若有膿  
為脂膜間隔不出而作脹痛者宜用針引之腐肉堵  
塞者去之若瘀肉腐動用猪蹄湯洗如膿稠或痛飲  
食如常瘀肉自腐用消毒與托裏藥相兼服之仍用  
前二膏塗貼若腐肉已離好肉宜速去之如膿不稠  
不稀微有疼痛飲食不甘瘀肉腐遲更用桑柴灸之

亦用托裏藥若瘡肉不腐或膿清稀不斂痛者急服大補之劑亦用桑柴灸之以補接陽氣解散鬱毒

大抵氣血壯實或毒輕少者可假藥力或自腐潰怯弱之人熱毒中膈內外不通不行針灸藥無全功然此症若膿已成宜急開之否則重者潰通臟腑腐爛筋骨輕者延潰良肉難於收功因而不斂者多矣

一人患此痛甚服消毒藥愈熾予為隔蒜灸之而止與

仙方活命飲二劑頓退以托裏藥潰而愈

此憑症也

一婦發熱煩躁飲冷與黃連解毒湯四劑少愈更與托

裏消毒散始潰與托裏藥而飲

此憑症也

一人已愈惟一眼看出努肉如菌三月不愈乃傷風寒也

以生豬油調藜蘆末塗之即愈亦有努出三寸許者烏梅塗之亦効但緩硫黃亦可

此憑症也

一人年踰五十患已五日焮腫大痛赤暈尺餘重如負石勢熾當峻攻察其脈又不宜遂先砭赤處出黑血碗許腫痛背重皆去更敷神効散及服仙方活命飲

二劑瘡口及砭處出黑水而消

此惡症也

大抵瘡毒勢甚若用攻劑怯弱之人必損元氣因而

變症者多矣

一人焮腫作痛脈浮數與內托復煎散二劑少退與仙

方活命飲四劑痛止而潰再與托裏藥而愈

此惡脈症也

一人毒勢熾甚痛不可忍諸藥不應以仙方活命飲二

劑諸症悉退又二劑而潰以金銀花散六劑而愈

此惡

症也

一人厚味氣鬱形實性重年近六十背疽醫與他藥皆不行惟飲香附末甚快自腫至潰始終只此一味而安然此等體實而又病實蓋千百而一見也每思香附經不言補惟不老湯乃言有益於老人用片子姜黃甘草香附三味以不老為名且引鐵瓮先生與劉君為證夫豈無其故哉蓋於行中有補之理耳天之所以為天健而有常因其不息所以生生無窮正如芫蔚活血行氣有補陰之妙故名益母胎產所恃者

氣血也胎前無滯產後無虛以其行中有補也夏枯

草治療瘰亦然

此因情性而治

一人感冒後發瘰不醒人事磨死脊肉三寸許一塊此  
膀胱經必有濕熱其脈果數予謂死肉最毒宜速去  
之否則延害良肉多致不救取之果不知痛因瘰不  
止疑為去肉所觸予曰非也由風熱未已彼不聽另  
用乳沒之劑愈盛復請治予以怯風消毒敷貼飲以  
怯風涼血化痰降火之劑而愈

按此因脈因症



而處治也

一通府發背十餘日勢危脈大先飲槐花酒二服殺其  
勢退再飲敗毒散二劑更飲托裡藥數劑漸潰又  
周秦柴燃灸患處每日灸良久仍貼膏藥灸至數次  
膿潰腐脫以托裏藥加白朮陳皮月餘而愈

按此先發後補當時必有所見也惜乎脈症不甚  
詳悉

一縣尹發背六七日滿背腫痛勢甚危隔蒜灸百壯飲

槐花酒二椀即睡覺用托裏藥消毒十去五六令將桑柴燃患處而潰數日而愈

一侍御髀患毒痛甚服消毒藥不減飲槐花酒一服勢隨大退再用托裏消毒藥而愈

大抵腫毒非用蒜灸及飲槐花酒先殺其勢雖用托

裏諸藥其効未必甚速

按前條皆先  
瀉後補法

一園丁發背甚危取金銀藤五六兩搗爛入熱酒一鍾絞取汁溫服相繼患處四五服而平彼用此藥治瘡

足以養身成家遂棄園業益金銀花治瘡未成即散已成即潰有回生之功

一婦半月餘尚不發起不作膿痛甚脈弱隔蒜灸二十餘壯而止更服托裏藥漸潰膿清而瘀肉不腐以大

補藥及桑柴灸之漸腐取之而尋愈

此憑脈症也

一人腐肉漸脫而膿微清飲食無味以十宣散去白芷防風加茯苓白朮陳皮月餘而斂

此憑症也

一人將愈但肌肉生遲脾胃俱虛以六君子湯加芎歸

五味黃耆治之而愈

此憑症也

一人已愈惟一口不飲脈浮而瀦以十全大補湯治之

而愈

此憑脈也

一老人七十餘背疽徑尺餘雜服五香湯十宣散數十貼膿血腥穢嘔逆不食旬餘病人自言服十宣散膈中不安且素有淋病三十年今苦淋痛嘔逆及不得睡而已急煎參耆歸朮膏以牛膝湯入竹瀝調化與之三日盡藥斤半淋止思食七日盡藥四斤膿自湧

出得睡兼旬而安時六七月也

此憑症也

一人年六十餘好酒肉背疽見膿嘔逆發熱得十宣已多醫以嘔逆投嘉禾散加丁香時七月大熱脈洪數有力予曰脈症在潰瘍尤忌然形氣尚可為只與獨參湯加竹瀝盡藥十五六斤竹百餘竿而安予曰此幸耳不薄味必再發後因夏月醉坐池中左脇傍生軟塊如餅二年後潰為疽自見脈症如前仍服參膏竹瀝而安

二人年老血氣弱無以供給膿血胃虛而嘔若與十  
宣寧保無危

機按後條乃膏粱積熱之變宜用寒涼之劑茲用  
驟補蓋以年老潰瘍故也

一婦發背用托裏消毒藥二十餘劑而潰因怒頓吐血  
五六碗氣弱脈細此氣血虛極也令服獨參膏斤許  
少緩更以參耆歸朮陳皮炙甘草三十餘劑瘡口漸  
合若投犀角地黃湯沉寒之藥鮮不悞矣

此憑脈  
症也

一婦年踰四十發背治以托裏藥而潰或嘔而瘡痛胃  
脈弦緊彼為餘毒內攻東垣云吐嘔無時手足逆冷  
臟腑虛也丹溪曰潰後發嘔不食者濕氣侵內也又  
云膿出反痛虛也今胃脈弦緊木乘土位其虛明矣  
用六君子<sup>二</sup>加酒炒芍藥砂仁藿香彼自服護心散  
嘔愈盛復邀治仍用前藥更以補氣血藥兩月而愈  
此憑脈  
症也

大抵濕氣內侵或感穢氣而作嘔必喜溫而脈弱熱

毒內攻而作嘔必喜涼而脈數必須辨認明白亦有  
大便不實或腹痛或膨脹或嘔吐或吞酸噯腐此腸  
胃虛寒宜理中丸不應加熟附子二三片有侵晨作  
瀉者名曰腎泄宜二神丸有食少漸瘦者為脾腎虛  
尤宜二神丸又治夢遺生肌肉聖藥予嘗飲食少思  
吞酸噯腐諸藥不應惟服理中丸及附子理中丸有  
效蓋此皆因中氣虛寒不能運化鬱滯所致故用溫  
補之劑中氣溫和自無此症



一人渴後發背未潰脈數無力此陰虛火動収咀加減

八味丸二劑稍緩次用丸藥而愈

此憑脈症也

一人年踰五十發背生肌太早背竟腐潰更泄瀉脈微

緩用二神丸先止其瀉次用大補藥以猪蹄湯洗淨

用黃耆末填滿患處貼以膏藥喜其初起時多用蒜

炙故毒不內攻兩月而愈

此憑脈症也

一婦因子遲服神仙聚寶丹背生癰甚危脈散大而濇

急以加減四物湯百餘貼補其陰血幸質厚易於収

救

機按此條因服食因脈而處治也

一人背瘡如碗大潰見五臟僅隔膜耳自謂必死精要  
取大鯽魚一枚去腸臟以羯羊糞填實焙令焦黑極  
燥為末乾摻之瘡口遂合累用有效須膿少欲生肌  
時用之

機按此二味有補土功土主肌肉故用生肌

一人背疽徑尺穴深而黑家貧得此急作參耆歸朮膏

與之三日以艾芎湯洗之氣息奄奄然可飲食每日作多肉餛飩大碗與之盡藥膏五斤餛飩三十碗瘡漸合肉與餛飩補氣有益者也

機按此條因饑寒多虛故用此補法也

一老婦患此初生三頭皆如栗腫硬木悶煩躁至六日其頭甚多脈大按之沉細為隔蒜灸及托裏漸起發尚不潰又數劑內外雖腐惟筋所隔膿不得出脹痛不安予謂須開之彼不從後雖自穿毒已攻深矣亦

沒

一婦素弱未成膿大痛發熱予欲隔蒜灸以拔其毒令  
自消不從而歿

大抵發背之患其名雖多惟陰陽二證為要若發一  
頭或二頭其形焮赤腫高頭起疼痛發熱為癰屬陽  
易治 若初起一頭如黍不腫不赤悶痛煩躁大渴  
便秘睡語咬牙四五日間其計數十其瘡口各含如  
一粟形似蓮蓬故名蓮蓬發積日不潰按之流血至

八九日或數日其頭成片所含之物俱出通結一衣揭去又結其口共爛為一瘡其膿內攻色紫黯為疽屬陰難治脈洪滑者尚可沉細尤難如此惡症惟隔蒜灸及塗烏金膏有效 凡人背近脊并髀皮裡

有筋一層患此症者外皮雖破難潰以致內膿不出令人脹痛苦楚氣血轉虛變症百出若待自潰多致不救必須開之兼以托裏常治此症以利刀剪之尚不能去以此堅物待其自潰不亦反傷非氣血壯實

者未見其能自潰也

一弱婦外皮雖腐內膿不潰脹痛煩熱不安予謂宜急開之膿一出毒即解痛即止諸症自退待其自潰不惟疼痛潰爛愈深彼不從待將旬日膿尚未出人已痛疲矣須針之終不能收歛竟至不起

一人潰而瘀肉不腐予欲取之更以峻補不從而沒一婦發背待其自破毒氣內攻而歿開遲故也東垣云過時不烙反攻於內內既消敗不死何待

一指揮年踰五十發背形症俱虛用托裏藥而潰但腐肉當去彼懼不從延至旬日則好肉皆敗矣雖投大劑毒甚不救 古人謂壞肉惡如狼虎毒如蜂螫緩去則戕性命信哉

一人年踰四十發背心脈洪數勢危劇經曰痛癢瘡瘍屬心火心脈洪數乃心火熾甚心主血心氣滯則血不流故生癰也騎竹馬灸 其穴是心脈所遊之地急用隔蒜灸以瀉心火拔其毒再用托裏消毒而愈

此憑  
脈也

一人發背十八日瘡頭如粟內如錐痛極時有悶暫飲  
食不思氣則愈虛以大艾隔蒜灸十餘壯不知熱內  
痛不減遂明灸二十餘壯內痛悉去毒氣大發飲食  
漸進更用大補湯及桑柴燃灸瘡肉漸潰

此憑  
症也

一人發背瘡頭甚多腫硬色紫不甚痛不腐潰以艾鋪  
患處灸之更用大補藥數日死肉脫去而愈

此因症  
處治也

一人發背焮痛如灼隔蒜灸三十餘壯腫痛悉退更用



托裏消毒藥而愈

此憑症也

一人發背已四五日瘡頭雖小根畔頗大隔蒜灸三十餘壯其根內消惟瘡頭作膿數日而愈

一人忽惡心大椎骨甚癢須臾臂不能舉神思甚倦此謂天疽危病也隔蒜灸癢愈盛乃明灸

著肉灸也

五十餘

壯癢止旬日而愈精要謂之灸有回生之功信矣

一人患此已四日瘡頭如黍焮痛背重脈沉實與黃連

內疎湯二劑少退更與仙方活命飲二劑而消

此憑脈症

也

一婦腫痛發熱睡語脈大用清心湯一劑而安以金銀花甘草天花粉當歸瓜蒌黃耆數劑漸漬更以托裏

藥而愈

此憑脈症也

一人背毒焮痛發熱飲冷多汗便秘譫言以破棺丹二丸而寧以金銀花四劑而膿成開之更用托裏藥而愈

一太監發背腫痛色紫脈息沉數良甫曰脈數發熱而

痛者發于陽也且瘡瘍赤甚則紫火極似水也詢之  
常服透骨丹半載乃積溫成熱所致遂以內疎黃連  
湯再服稍平更用排膿消毒藥及猪蹄湯太乙膏而  
愈

機按此條因脈因服食而為之處治也

一人傷寒後亦患此甚危取去死肉以神効當歸膏敷  
貼飲內疎黃連湯狂言愈盛脈愈大使用涼隔散

二六

二劑又以四物湯

九

加芩連數劑而愈

機按此條脈症不甚詳悉觀其下後狂愈盛脈愈大似屬虛也仍用涼膈散下之此必形實進食故用此也

大凡患瘡者責效太迫一二劑未應輒改服他藥反致有悞不思病有輕重治有緩急而槩欲效于一二劑難矣況瘡瘍一症其所由來固深以久又形症在外肌肉潰損較之感冒無形之疾不同安可旦夕取效患者審之

一人形實色黑背生紅腫近髀骨下痛甚脈浮數而洪  
緊正冬月與麻黃桂枝湯加酒栢生附子瓜蒌子甘  
草節人參羌活青皮黃耆半夏生薑六貼而消此亦  
內托裏之意

機按此條因時因脈而制方也

一水部年踰四十髀髁患毒已半月頭甚多大如粟許  
內痛如刺飲食不思怯甚脈歇至此元氣虛疽蓄於  
內非灸不可遂灸二十餘壯飲以六君子<sub>二</sub>加藿香  
當歸數劑瘡勢漸起內痛頓去胃脈漸至但瘡色尚

紫瘀肉不潰此陽氣尚虛也用桑柴火灸以接陽氣  
解散其毒仍以前藥加參耆歸桂色赤膿稠瘀肉漸  
腐取去兩月餘而愈

此憑脈  
症也

夫邪氣沉伏真氣怯弱不能起發須灸灸而兼大補  
若投常藥待其自潰鮮不悞矣

一人年踰六十冬至後疽發背五七日腫勢約七寸許  
不任其痛視之膿成彼懼開發越三日始以燔針開  
之以開遲迨二日癰症果生覺重如負石熱如炳火

痛楚倍常六脈沉數按之有力此膏梁積熱之變邪  
氣酷熱固宜治之以寒藥但時月嚴凝有用寒遠寒之  
戒經曰假者反之雖違其時以從其症可也急作清  
涼飲子加黃連秤一兩半作一服利下兩行痛減七  
分翌日復進其症悉除月愈平復

機按此條因厚味因脈而為之治法也

一人初生如粟悶痛煩渴便秘脈實此毒在臟也予謂  
宜急疎去之以絕其源使毒不致外侵彼以為小恙

乃服尋常之藥後大潰而沒

一士因脚弱求診兩手脈背浮洪稍鼓飲食如常懶於言動肌起白屑如麩片時在冬月予作極虛處治詢知半年前背臀腿三處自夏至秋冬節次生疽率用五香連翹湯十宣散今結痂久矣急煎參耆歸朮膏以二陳湯化開服之三日盡藥一斤半白屑沒大半呼吸覺有力補藥應効已漸病家嫌緩自作風病治煉青礞石二錢半以青州白丸作料煎飲子頓服之予



諫不聽因致不救

一人背瘡毒氣未盡早用生肌背竟潰爛予以解毒藥治之得愈 又一人患毒氣始發驟用生肌其毒內攻而死

一人年踰四十發背五日不起肉色不變脈弱少食大便不實予謂凡瘡未潰脈先弱難於收斂用托裏消毒散服二劑方起發彼惑一嫗言貼膏藥服攻毒劑反盛背如負石復請予治隔蒜灸三十餘壯彼云負

石已去但癢痛未知更用托裏藥知痛癢膿清前藥  
倍加參耆佐以薑桂膿稍稠又為人惑外貼猪腰子  
抽膿血內服硝黃遂流血五六椀許連泄十餘行腹  
內如冰飲食不進不得已速予診之脈盡脫不可救  
蓋其症屬大虛一於溫補猶恐不救况用攻伐不死  
何待

一人發背十餘日瘡頭如粟許腫硬木悶肉色不變寒  
熱拘急脈沉實此毒在內也先以黃連內疎湯次以消

毒托裏藥其毒始發奈速用生肌患處忽若負重身  
如火焮後竟不起

東垣云毒氣未盡速用生肌縱平復必再發若毒氣  
入腹十死八九大抵毒氣盡脾氣壯則肌肉自生生  
肌藥不用亦可

一宜人年逾六十發背三日肉色不變頭如粟許肩背  
加重寒熱飲冷脈洪數良甫曰外如麻裏如瓜齊氏  
曰增寒壯熱所患必深又曰肉色不變發於內也用

人參敗毒散

六二

劑又隔蒜灸五十餘壯毒始發背

始輕再用托裏藥漸潰顧氣血虛甚作渴服參耆歸  
芎等渴止彼欲速愈自用草藥罨患處毒氣復入遂  
不救

大抵老弱患瘡瘡頭不起或堅如牛領皮多不待潰  
而死潰後氣血不能培養者亦死凡瘡初潰毒正發  
越宜用膏藥吸之參耆等藥托之若反用藥遏之毒  
氣內攻者必不救也

一女背髀結一核如錢大不焮但倦怠少食日晡發熱  
脈軟而澀此虛勞氣鬱所致予用益氣養血開鬱之  
藥復令飲人乳精神稍健彼不深信又服流氣飲食  
遂少四肢痿其父悔復請予予謂決不起矣果歿

一婦發熱作痛專服降火敗毒藥潰後尤甚煩躁時嗽  
小便如淋皆惡症也辭不治果歿

此症雖云屬火未有不有由陰虛而致者故經云督脈  
經虛從腦而出膀胱經虛從背而出豈可專泥於火

一太守腫硬不澤瘡頭如粟脈洪大按之即漉經云骨髓不枯臟腑不敗者可治然腫硬色夭堅如牛領之皮脈更漉精氣已絕矣不治

一且人發背膿熟不開昏悶不食此毒氣入內也斷不治強之針膿椀許稍甦須臾竟亡

大抵血氣壯實膿自湧出老弱之人血氣枯槁必須迎而奪之順而取之若毒結四肢砭刺少緩腐潰深大亦難收斂結於頰項胸腹緊要之地不問壯弱急

宜針刺否則難治

一人背瘡潰陷色紫舌卷予謂下陷色紫陽氣脫也舌卷囊縮肝氣絕也經曰此筋先死庚日篤辛日死果立秋日而死

臀癰一百十七

附腿痛  
脚跟疽

環跳疽  
腿瘻

腿氣

焮痛尺脈緊而無力者托之

腫硬痛甚者隔蒜灸之更以托裡

不作膿而痛者解毒為主

不作膿者托裏為主

不潰或潰而不斂者托裏為主

一人臂癰腫硬作痛尺脈浮緊按之無力以內托羌活湯一劑痛止再金銀花散四劑膿潰而愈

一人臂癰腫硬痛甚隔蒜灸之更服仙方活命飲二劑痛止腫消以托裡消毒散加黃栢蒼朮羌活瘡頭潰而愈

一人臂癰作膿而痛以仙方活命飲二劑痛止更以托



裏消毒散膿潰而瘡

此條無脈可據

一人腎癰不作膿飲食少思先以六君子加芎歸黃耆飲食漸進更以托裡散膿潰而愈

一人潰而膿清不飲灸以豆豉餅更飲十全大補湯兩月餘而痊

凡瘡不作膿或不潰或潰而不飲皆氣血虛也若膿清稀尤虛甚也

一人腎癰膿水不止肌漸瘦食少思胃脈微弦以六君

予加藿香當歸數劑食遂進以十全大補湯灸以豆豉餅兩月餘而痊

一弱人臀癰膿成不潰以十全大補湯數劑始托起乃針之又二十餘劑而愈夫臀居僻位氣血罕到老弱患之尤宜補其氣血庶可保痊

一人腿內側患癰未作膿而腫痛以內托黃耆柴胡湯二劑少愈又二劑而消

一人臀漫腫色不變脈活數無力膿將成尚在內欲治

以托裏藥待發出而用針彼欲內消服攻伐藥愈虛復求治仍投前藥托出針之以大補藥而愈

凡瘡毒氣已結不起者但可補其氣血使膿速成而針去不可論內消之法膿成又當辨其生熟淺深而針之若大按乃痛者膿深也小按便痛者膿淺也按不甚痛未成膿也按之即復起者膿也按之不復起者無膿也若腫高而軟者發於血脈也腫下而堅發於筋骨也肉色不變者發於骨髓也

一人腿外側患癰漫腫大痛以內托黃耆湯酒煎二劑少可更以托裏數劑潰之而愈

一婦腿癰久而不愈瘡口紫陷膿水清稀予以為虛彼不信乃服攻毒之劑虛症蜂起復求治灸以附子餅服十全大補湯百餘貼而愈

凡瘡膿清及不斂者或陷下皆氣血虛極也最宜大補否成敗症若更患他症卒難治療

一人腿癰內潰針之膿出四五椀許惡寒畏食脈診如

絲此陽氣微也以四君子加炮附子畏寒少止又四劑而止以六君子加桂數劑飲食頗進乃以十全大補及灸附子餅兩月而愈

一老腿癰膿自潰忽發昏瞽脈細而微此氣血虛極也以大補之劑而甦

一弱人流注內潰出敗膿五六椀口眼歪斜脈亦虛極乃虛甚也非真中風以獨參湯加附子一錢二劑更以大補藥月餘而痊

大抵膿血大泄當大補氣血為先雖有他症以末治之凡癰大潰發熱惡寒皆屬氣血虛甚若左脈不足者補血藥多于補氣藥右脈不足者補氣藥多於補血藥切不可發表

一婦腰痛脚弱弛長不能動履以人參敗毒散加蒼朮黃柏澤瀉而愈

此條脚弱弛長屬濕熱也故憑症而治

一婦環跳穴痛肉色不變脈緊數此附骨疽也膿未成

用內托黃耆酒煎湯加青皮龍膽草山梔數劑而止

一人腿癱兼筋攣痛脈弦緊用五積散加黃柏柴胡蒼

朮而痊

此憑脈憑症而作濕熱治也

一婦附骨疽久不愈膿水不絕皮膚瘙癢四肢痿軟予

以為虛欲補之彼惑為風疾遂服祛風藥竟致不救

陳無擇云人身有皮毛血脈筋膜肌肉骨髓以成其

形內則有心肝脾肺腎以主之若隨情妄用喜怒勞

佚致內臟精血虛耗使皮血筋骨肉痿弱無力以運

動故致痿癱狀與柔風脚氣相類柔風脚氣皆外所  
因痿則內臟不足也

一人拊骨疽腫硬發熱骨痛筋攣脈數而沉用當歸拈  
痛湯而愈

一人腿根近環跳穴痛徹骨外皮如故脈數帶滑此附  
骨疽膿將成用托裏藥六劑腫起作痛脈滑數已成  
針之出碗許更加補劑月餘而瘳

一人腿內患癰漫腫作痛四肢厥咽嚨塞發寒熱諸治



不應乃邪鬱經絡而然也用五香連翹湯一劑諸症

少退又服大便行二次諸症悉退而愈

此因諸治不効故作鬱治

而用五香也

一婦左腿痛不能伸脈弦緊按則瀋以五積散二劑痛

少止又二劑而止以神應養真而愈

脈弦緊瀋屬寒故用五積散辛

熱以散之

一人腿痛膝微腫輕診則浮按之弦緊此鶴膝風也與

大防風湯二劑已退二三彼謂附子有毒乃服敗毒

藥日漸消瘦復求治予謂今飲食不為肌膚水穀不能運化精微灌溉臟腑週身百脈神將何依茲故氣短而促其氣損也怠惰嗜卧脾氣虛也小便不禁膀胱不藏也時有躁熱心下虛痞胃氣不能上榮也恍惚健忘神明亂也不治後果歿 此症多患於不足之人故以加減小續命大防風二湯有效若用攻毒藥必悞

一婦患脚氣或時腿腫筋攣腹痛諸藥不應漸危篤諸

書云八味丸治足少陰脚氣入腹疼痛上氣喘促欲死遂投一服頓退又服而愈腎經虛盡之人多有此患乃腎水乘心尅火死不旋踵宜急服

一人腿痛兼筋攣骨痛脉弦緊以大方風湯六劑筋攣少愈又二劑而腫消但內一處尚作痛脉不弦緊此寒邪已去乃所滯瘀濁之物欲作膿故痛不止用托裏藥數劑腫發起脉滑數乃膿已成針之用十全大

補湯月餘而安

按已前數條皆筋攣骨痛而脉弦緊可見弦緊多主寒邪

一婦膝腫痛遇寒痛益甚月餘不愈諸藥不應脈弦緊  
此寒邪深伏於內也用大防風湯與火龍丹治之而  
消

大抵此症雖云腫有淺深感有輕重其所受皆因真  
氣虛弱而邪得以深襲故附骨癰疽及鶴膝風症腎  
虛者多有之前人用附子者以溫補腎氣而又能行  
藥勢散寒邪也亦有體虛之人秋夏露卧為冷氣所  
襲寒熱伏結多成此症不能轉動乍熱而無汗按之

痛應骨者是也若經久不消極陰生陽寒化為熱而潰也若被賊風所甚傷患處不甚熱而洒淅惡寒不時汗出熨之痛少止須大防風湯火龍膏治之又有攣曲偏枯堅硬如石謂之石疽若熱緩積不潰肉色赤紫皮肉俱爛名緩疽其始末皆宜服前湯欲其驅散寒邪以補虛托裏也

一人右腿赤腫焮痛脈沉數用當歸拈痛湯四肢反痛乃濕毒壅遏又況下部藥力難達非藥不對症遂砭

患處去毒血仍用前藥一劑頓減又四劑而消

一人先腿痛後又四肢皆痛遊走不定至夜益甚服除濕敗毒之劑不應脈滑而瀉濕痰濁血為患以二陳

湯加蒼朮羌活桃仁紅花牛膝草烏治之而愈

活與瀉相

反北云  
活謂少

凡濕痰濕熱或死血流注關即非辛溫之劑開發腠理流通隧道使氣行血和安能得愈

一人腿痛每痛則痰盛或作嘈雜脈滑而數以二陳湯

加升麻二朮澤瀉羌活南星治之而安

此憑脈也

一人素有脚氣脇下作痛發熱頭暈嘔吐腿痺不仁服  
消毒護心等藥不應左關脈緊右關脈弦此亦脚氣  
也以半夏左經湯治之而愈

一人脚軟腫痛發熱飲冷大小便秘右關脈數乃足陽  
明經濕熱下注也以大黃左經湯服而愈

一人臙脛兼膝脚皆焮痛治以加味敗毒而愈

一人兩腿痛脈活而遲此濕痰所致以二陳湯加朮黃

栝朮活澤瀉而愈

此憑脈也

一人兩腿腫痛脈滑而緩此濕痰所致先以五苓散加

蒼朮黃栝二劑少愈再以二陳二朮檳榔紫蘇羌滑

獨活牛膝黃栝而差

此憑脈也

夫濕痰之症必先以行氣利濕健中為主若中氣和則痰消而濕亦無所容矣

一婦兩腿痛脈濇而數此血虛兼濕熱先以蒼朮黃栝知母龍膽草茯苓防風防己羌活數劑腫痛漸愈又



以四物加二朮黃栢牛膝木瓜月餘而愈

此憑脈也

一人肢節腫痛脈遲而數此濕熱之症以荊防敗毒散加麻黃二劑痛減半以檳榔敗毒散四劑腫亦除後

更以四物湯加二朮牛膝木瓜數劑而愈

按脈遲與數相反遲

恐作細

一婦人脚脛腫痛發寒熱脈浮數此三陽經濕熱下注為患尚在表用加味敗毒散不應乃瘀血凝結藥不能及於患處砭去瘀血乃用前藥二劑頓退以當歸

拈痛湯四劑而愈

古云脚氣是為壅疾治當宣通使氣不能成壅也壅既成而甚者砭去惡血而去重勢經云畜則腫熱砭射之後以藥治之

一婦兩腿痛遇寒則筋攣脈弦緊此寒邪之症以五積散對四物湯數劑痛止更以四物湯加木瓜牛膝枳殼月餘而安

一人腿腫筋攣不能動履以交加散二劑而愈

一婦患腿不能伸屈遇風寒痛益甚諸藥不應甚苦先以活絡丹一丸頓退又服而瘳次年復痛仍服一丸亦退大半更以獨活寄生湯四劑而愈

一人素有脚氣又患附骨癰作痛服活絡丹一丸二症並差

一人素有疝不能愈因患腿痛亦用一丸不惟治腿有効而疝亦愈矣

一太安人臂痛數年二丸而差

一女患驚風甚危諸醫莫救自用一丸即愈且不再作夫病深伏在內非此藥莫能通達但近代始云此藥引風入骨如油入麵故後人多不肯服大抵有是病宜用是藥豈可泥于此言以致難差

一婦兩腿作痛時或走痛氣短自汗諸藥不應診其尺脈弦數此寒濕流注于腎經也治以附子六物湯愈但人謂附子有毒多不肯服若用童便炮製何患之有況不常服何足為慮予中氣不足以補中益氣湯

加附子服三年何常見其有毒經云有是病用是藥

一婦肢節腫痛脛足尤甚時或自汗或頭痛此太陽經

濕熱所致用麻黃左經湯二劑而愈

前條脈弦數而病寒濕恐濕生

熱故也

一婦血痔兼腿酸痛似痺此陰血虛不能養於筋而然  
宜先養血為主遂以加味四斤丸治之而愈

一老筋攣骨痛兩腿無力不能步履以局方換腿丸治

之

一婦筋攣痺痛兩腿無力不能步履以三因勝酸丸治之並愈

河間云脚氣由腎虛而生然婦人亦病脚氣者乃因血海虛而七情所感遂成斯疾血海虛與男子腎虛類也男女用藥固無異更當兼治七情無不効也

一婦腿痛兼足脛攣痛服發散藥愈甚脈弦緊此腎肝虛弱風濕內侵也治以獨活寄生湯痛止更以神應養真丹而不攣矣

一人素有腿痛飲食過傷痛益甚倦怠脈弱以六君子加山查神麴蒼朮芎歸升麻柴胡而愈

一老素善飲腿常腫痛脈洪而緩先以當歸拈痛湯濕熱少退後用六君子加蒼朮黃柏澤瀉而痊

一人飲食少過胸滿痞悶或吞酸兩腿作痛用導引丸二服頓愈更以六君子湯加神麴麥芽蒼朮二十餘劑遂不復作而愈

經云飲食自倍腸胃乃傷是胃氣不能施行脾氣不

能四布故下流乘其肝腎之虛以致足腫加之房事  
不節陽虛陰盛遂成脚氣亦有內傷飲食脾胃之氣  
有虧不能上升則下注為脚氣者宜用東垣開結導  
引水運化脾氣如脾氣濕氣壅遏不通致面目發腫  
或痛者宜用導滯通經湯以疎導之

已上十九條乃脚氣症雖非瘡毒因治有驗故錄之  
臀居小腹之後此陰中之陰其處下其道遠其位僻太  
陽雖多血其氣少也氣少則運行不到血亦因而少



來中年已後生疽須預補之若無積補之功其禍多在瘡成痂後或半年乃發故多惑畧

一人腿癰脈症俱弱亦危症也治以托裏急使針刺彼因不從後膿開瀉淋漓不能收斂而死

一人年踰五十冬患腿癰脈數煩躁飲冷便秘腫痛熅甚此熱淫於內也宜用苦寒之藥投清涼飲二倍加黃芩其勢頓退更以四物湯加黃芩而愈

此條因症因脈而藥之也

一人年三十連得憂患作勞好色左腿外側臃紅腫如栗醫以大府實與承氣兩貼下之又一醫與大黃朱砂血竭三貼而脉大實後果死此厥陰多氣少血經也

一侍御患臀腫痛小便不利彼謂闕格以艾蒸臍大便亦不利治以降火分利藥不應予胗其脉膿已成此患癰也針之出膿數椀大便即利五日後陰囊腫脹小便不行針之尿管大泄氣息奄奄脉細汗不止潰

處愈脹用參耆歸朮大劑猶緩俾服獨參湯至二斤  
氣稍復又服獨參膏至十餘斤兼以托裏藥兩月餘  
而愈

大抵瘡瘍膿血大泄先補氣血為主雖有他病當從  
末治

一人腿癰膿成針之出膿二椀許飲托裏藥一劑大發  
熱更用聖愈湯<sub>七</sub>二劑而止翌日惡寒不食脈細如  
絲以人參一兩熟附三片薑棗煎服而愈但食少不

寐更以內補黃耆湯而平

一人腿腫發熱惡寒以補中益氣湯治之彼以為緩乃

服苓連等藥熱愈盛復請予治以人參養榮湯

八十二

十餘劑而潰更以參耆歸朮炙甘草肉桂月餘而斂

夫火之為病當分虛實苓連苦寒能泄心肺有餘之

火若老弱或飲食勞倦而發者此為不足當治以甘

溫之劑未嘗有實熱而畏寒虛熱而喜寒者此其驗

也

一人年踰三十左腿微腫痛日久肉色如故不思飲食  
東垣云瘡瘍腫下而堅者發於筋骨此附骨疽也乃  
真虛濕氣襲於肉理而然蓋諸虛皆稟於胃食少則  
胃弱法當助胃壯氣以六君子加藿香當歸數劑飲  
食漸進更以十全大補湯而愈

此條因症制方而處治也

一婦年二十餘飲食後每有怒氣吞酸噯腐或兼腿根  
膀內焮腫服越鞠丸不應此肝氣虛濕氣下注而然

以六君子<sup>二</sup>加香附砂仁藿香炮薑數劑少愈更以六君子數劑而愈

此條因症而制方也

一人年踰二十稟弱左腿外側患毒三月方潰膿水清稀肌肉不生以十全大補湯<sup>十</sup>加牛膝二十餘劑漸愈更以豆豉餅灸月餘而痊

一人膝腿腫筋骨痛服十宣散不應脈沉細予用五積散<sup>四</sup>二劑痛止更以十宣散<sup>四</sup>去桔梗加牛膝杜仲三

十餘劑膿潰而愈此寒氣之腫八風之變也

此條因脈制方處治

一人遍身走痛兩月後在脚面結腫未幾腿股又患一塊脈輕胗則浮重胗浮緩此氣血不足腠理不密寒邪襲虛而然以加減小續命湯三七四劑及獨活寄生湯四數劑疼痛頓去更以托裏藥倍加參耆歸木百貼而愈

此條因脈制方而治也

一人年及二十腿膝腫痛不能屈伸服托裏藥不應以  
人參敗毒散加檳榔木瓜柴胡紫蘇蒼朮黃柏而愈  
此因症制方以治之也

一人年逾五十兩腿痛脹或生瘡癰小便頻而少聲如  
笊出服五皮散不應予胗之右關沉緩此脾虛濕氣  
流注而然非瘡也經曰諸濕腫滿皆屬脾土按之不  
起皆屬於濕以五苓散加木香倍蒼朮白朮亦不應  
予意至陰之地關節之間濕氣凝滯且水性下流脾



氣既虛安能運散非辛溫之藥開通腠理行經活血  
邪氣安得發散遂以五積散二劑勢去大半更以六  
君子加木香升麻柴胡蒼朮仁兩月餘而愈設使前  
藥不應更投峻劑虛虛之禍不救矣

此因滲泄不效  
故用辛溫以散

之也

一人腿癰膿清脈弱灸以豆豉餅更以托裏藥而愈  
一人年二十餘股內患毒日久欲求內消胗脈活數知  
膿已成因氣血虛不潰刺之膿出作痛用八珍湯稍

可但膿水清稀用十全大補湯三十餘劑而痊蓋  
膿出反痛者虛也

一僧股內患腫一塊不痛不潰治托裏二十餘劑膿成  
刺之作痛予謂腫而潰潰而反痛此氣血虛甚也宜  
峻補之彼云氣無補法予曰正氣不足不可不補補  
之則氣化而痛自除遂以參耆歸朮熟地治之兩月  
餘而平

大抵瘡瘍先發為腫氣血鬱積蒸肉為膿故多痛膿

潰之後腫退肌寬痛必漸減而痛愈盛者氣血不足也即丹溪河間虛甚之說

附骨癰皆因久得厚味及酒後涉水得寒故熱深入髀樞穴左右積痰瘀血相搏而成也

一女髀樞穴生附骨疽在外側膝少陽經分始末用五香湯十宣散一日惡寒發熱膈滿猶大服五香湯一夕喘死此升散太過孤陽發越於上也

一人年踰四十夏患附骨癰予以火針刺去瘀血更服

托裏藥而愈至秋忽不飲食痰氣壅盛勞則口舌生  
瘡服寒藥腹痛彼疑為瘡脾胃脈輕診似大按之無  
力此真氣不足虛火炎上也治以八味丸彼不信自  
服二陳四物幾殆復請予仍以前丸治之而愈

有脾土虛不能剋腎水吐痰而不效者尤宜用此  
丸

王老年七十季春因寒濕地氣得附骨疽於左腿足少  
陽分微侵足陽明闊六七寸長一尺堅硬漫腫肉色

不變皮澤深但行步作痛以指按至骨大痛服內托黃耆湯一服立止再服腫消

柴胡

錢半

連翹

肉桂

各一錢

黃耆

歸尾

各二錢

鼠粘子

炒一錢

黃栢

甘草

炒各半錢

升麻

七分

右剉酒盞半水盞半同煎至二盞去渣空心宿食消盡大溫服少時以早饌壓之不令大熱上攻犯中上

二焦也

一兒年十歲四月于左腿近膝股內出附骨癰不辨肉

色漫腫皮澤木硬瘡勢甚大左腿乃肝之髀上也足厥陰肝經之分少侵足太陰脾經其脈左三部細而弦按之洪緩微有力用內托黃耆柴胡湯

黃耆

二錢

柴胡

錢半

連翹

一錢二分

羌活

半錢

生地

二分

歸尾

七分半

官桂

土瓜根

黃栢

酒洗各二分

右剉作一服水酒各盞半同煎至一盞去查空心稍熱服

一人附骨癰畏針不開臀膝通潰脈數發渴煩躁時嗽

飲食少思齊氏曰瘡瘍煩躁時嗽腹痛渴甚或泄利  
無度或小便如淋此惡症也膿出之後若脈洪數治  
微瀋遲緩易治刺之膿出四五椀即服參耆歸木大  
劑翌日脈稍斂更服八珍湯四加五味麥門肉桂白  
斂三十餘貼脈緩膿稠三月乃愈

一老腿患附骨疽腫硬大按方痛口乾脈弱腫聚不潰  
飲食少思予謂腫下而堅者發於筋骨肉色不變者  
發於骨髓遂托以參耆等藥三十餘劑膿雖熟不穿

予謂藥力難達必須針刺不聽至旬日方刺湧出清膿五六碗然衰老氣血不足養毒又久竟不救

大抵瘡疽旬日不退宜托之有膿刺之有腐肉取之虛則補之此十全之功也

一人患貼骨疽腿細短軟瘡口不合以十全大補湯外灸附子餅貼補藥膏調護得宜百貼而愈

一人環跳穴患附骨疽彼謂小瘡服敗毒藥外以寒藥敷貼因痛極針之膿瘀大泄方知為癰請治其脈右



關浮大此胃氣已傷故瘡口開張肉紫下陷捫之不  
熱彼謂瘡內更覺微冷自謂必成漏矣灸以豆豉餅  
飲六君子加藿香砂仁炮薑數劑胃氣漸醒飲食漸  
進患處漸煖肌肉漸生再以十全大補湯而愈

一人亦患此內痛如錐外色不變勢不可消喜其未用  
寒劑祇因痛傷胃氣而不思食以前藥去炮薑治之  
飲食稍進更以十全大補湯二十餘劑膿成針去仍  
以大補湯倍加參耆歸朮久不止更加麥門五味

貝母遠志數服漸止瘡亦尋愈

二症蓋因濕熱滯於肉理真氣不能運化其始宜除濕熱實脾土和氣血則濕自消散若膿未成以隔蒜灸之立効

環跳穴痛防生附骨疽以蒼朮佐黃柏之辛行以青皮冬加桂枝夏加黃芩體虛加杜牛膝以生甘草為使大料煎入薑汁食前飲之痛甚者恐十數貼發不動少加麻黃一二貼又不動恐疽將成急掘地成坎以

火煨紅沃以小便赤體坐其中以席圍下體使熱氣薰蒸腠理開氣血暢而愈

一婦四十餘近環跳生疽尺脈沉緊腿不能伸經曰脾移寒於肝癰腫筋攣蓋脾主肉肝主筋肉溫則筋舒肉冷則筋急遂與乳香定痛丸少愈更以助胃壯氣血藥二十餘劑而消

按此因脈沉緊又因筋攣是脈症俱寒故治以此一人因痢驟澁環跳穴作痛與四物湯加桃仁酒黃芩

紅花蒼朮枳殼黃栢柴胡青皮生薑十餘劑稍可更刺委中出黑血而愈

一後生散骨痛以風藥飲酒一年予以防風通聖散

十四

去硝黃加生犀角浮萍百餘貼成一疽近皮革膿出而愈後五六年其處再痛予曰舊病作無能為矣蓋發於新娶之後多得香辣肉味若能茹淡遠房勞猶可生也出膿血四五年延及腰背皆空又三年而死此純乎病熱者

一少年天寒極勞散骨痛兩月後生疽深入骨邊卧二年取刺骨而安此寒搏熱者也

取久疽及痔漏中朽骨用烏骨雞脰骨以砒實之鹽泥固濟火煨紅地上出火毒去泥用骨研細飯丸如粟米大以紙撚送入竅內更以膏貼之

一人年踰五十臀癰膿熟不開攻通大肛膿從大便而出予辭不治果歿  
丹溪謂中年後不宜患此膿成不刺不亡得乎

一人左膝腫大三月不潰予謂體虛風邪襲於骨節使氣滯不行故膝愈大而腿愈細名曰鶴膝風以大方風湯三十餘劑而消 又有患此伏枕半載流膿

三月彼云初服大方風湯

五八

去附子將潰服十宣散

今用十全大補湯去桂皆不應視脈症甚弱予以十全大補湯一貼加熟附一錢三十餘劑少愈乃減附子五分服至三十餘劑將愈却去附子更用三十餘劑而痊

夫立方之義各有所宜體氣虛弱邪入骨界遏絕隧  
道若非桂附辛溫之藥開發腠理關節之寒邪通暢  
榮衛經絡之氣血決不能愈

一人脚跟生毒如豆許痛甚狀似傷寒予謂獵人被兔  
咬脚跟成瘡淫蝕為終身之疾因名兔齒以還少丹  
九內塞散十五治之稍可次因納寵作痛反服攻毒藥  
致血氣愈弱腿膝軟痿而死

蓋足跟乃二蹻發源之處腎經所由之地瘡口不合

則躄氣不能發生腎氣由此而泄故為終身之疾況  
彼瘡先得於虛復不知戒雖大補氣血猶恐不及安  
服攻毒暴悍之藥以戕賊乎

一人腿痛筋攣遍身酸軟方士與痰藥及托裡藥期三  
日可痊不應予謂非瘡毒也大筋軟短小筋弛長此  
濕熱為患以人參敗毒散加蒼朮黃柏檳榔木瓜少  
愈更以清躁湯二十貼而愈

此因症也兼之屢治不  
効此作濕熱而治有所

本也



夫內有濕熱外有風寒當瀉不當補托裡甘溫之劑  
安得取効

冷漏精要治冷漏諸瘡與桂附丸

丹溪曰此冷只因瘡久不合風寒乘之氣血不朝而  
成厚朴雖溫泄散尤速恐不若參耆佐以陳皮庶乎  
與病相得

大凡瘡口久不合肉白膿少此為瘡口冷滯氣血枯竭  
不朝於瘡以致如是精要用北艾葉一握煎湯避風

處以絹兜艾葉乘熱澆洗瘡口四圍淨肉一日一次  
仍燒松香薰瘡口良久以神異膏貼之

丹溪曰血氣枯燥不知補虛於內惟務熱洗於外不  
揣其本而齊其末却乃歸罪於冷滯大抵潰瘍宜洗  
若無補藥以實其內切恐有時之快少頃疲憊有不  
耐煩之意非虛而何可不先議補接乎

內托羌活湯 治足太陽經尻臀生癰堅硬腫痛大作  
左右尺脈俱緊按之無力

防風 膏本

歸尾

各一錢

羌活

黃栢

酒制各二錢

肉桂

三分

連翹

甘草

炙

蒼朮

各五分

陳皮

各五分

黃耆

錢半

右剉水酒各半煎食前溫服取汁內托

一官兩腿作痛形體清瘦肝脈弦數却屬有餘之症治

以龍膽瀉肝湯並愈

此憑症也

瘡腫之症若不診候何以知陰陽勇怯氣血聚散耶又云脈洪大而數者實也細微而數者虛也河間云脈沉實者邪在藏浮大者邪在表觀此誠發前言所未發診候之道豈可缺耶

腰疽一百十八

一婦年逾七十腰生一瘤作癢異常疑虫蝨所毒胗脉浮數齊氏曰脉浮數反惡寒者瘡也翌日復胗脉乃弱予謂未潰而脉先弱何以收斂况大便不通則真氣已竭治之無功固請不得已用六君子<sub>二</sub>加藿香神麴飲食漸進大便始通更用峻補之劑潰而膿清作渴再用參耆歸地麥門五味而渴止喜曰可無虞矣予曰不然不能收斂先入之言也彼疑更醫果死一人年十九腰間腫一塊無頭不痛色不變三月不潰

飲食少思肌肉日瘦此氣搏腠理榮氣不行鬱而為  
腫名曰濕毒流注元戎曰若人飲食疎精神衰氣血  
弱肌肉消瘦榮衛之氣短促而澁滯故寒搏腠理閉  
鬱為癰者當補以接虛怯之氣遂以十全大補湯十  
加香附陳皮三十餘劑始針出白膿二椀許仍用藥  
倍加參耆仍灸以豆豉餅漸愈彼乃惑於速効內服  
敗毒外貼涼藥反致食少膿稀患處色紫復請予治  
喜得精氣未衰仍以前藥加遠志貝母白欬百劑而

愈此或久而不愈或膿水清稀當服內塞散<sub>十五</sub>及附  
子餅灸然後可愈

一婦年踰二十腰間突腫寸許肉色不變微痛不潰發  
熱脈大此七情所損氣血凝滯隧道而然當益氣血  
開鬱結更以香附餅熨之使氣血充暢內自消散若  
爾雖潰亦無危不聽乃服十宣流氣之藥氣血愈虛  
潰出清膿不斂而死 按此脈大非七情脈也當時  
必有所見

一婦產後腰間腫兩腿尤甚此瘀血滯於經絡而然不

早治必作癰遂與桃仁湯二劑稍愈更沒藥丸

四五數

服而痊 亦有惡血未盡臍腹刺痛或流注四肢或

注股內痛如錐刺或兩股腫痛此由冷熱不調或思

慮動作氣乃壅遏血蓄經絡而然宜沒藥丸

四五治之

亦有或因水濕所觸經水不行而腫痛者宜當歸

丸

五五治之

凡惡血停滯為患匪輕治之稍緩則為流注為骨

疽多致不救

一老人患痢驟用澁藥致大腸經分作痛此濕毒流於經隧而然以四物加桃仁酒芩紅花升麻枳殼陳皮甘草治之漸愈因年高胃弱竟歿


一人年二十遍身微痛腰間作腫痛甚以補中益氣湯  
十加羌活四劑少可又去羌活十餘劑而愈

此條以虛治當時於形色脈上必有所見也

一人年踰四十患腰痛服流氣飲寄生湯不應以熱手



熨之少可其脈沉弦且劇服攻劑不應故知虛也弦  
則不軟如物無水不柔軟之意



外科理例卷五

# 欽定四庫全書

子部  
外科理例卷六

詳校官太醫院吏目臣宋桂

編修臣倉聖脈覆勘

總校官庶吉士臣何思鈞

校對官助教臣胡子襄

謄錄監生臣崔堂

欽定四庫全書

外科理例卷六

明 汪機 撰

脫疽一百十九

丁生手足指或足潰而自脫故名  
脫疽有發於手指者名蛙節丁重

者腐去本節  
輕者筋掣

焮痛者除濕攻毒更隔蒜灸至不痛

焮痛或不痛者隔蒜灸更用解毒藥若色黑急割去速

服補劑庶可救黑延上者不治

色赤焮痛者托裡消毒更煎灸

作渴者滋陰降火色黑者不治

一人足指患此焮痛色赤發熱隔蒜灸之更以人參敗

毒散去桔梗加金銀花白芷大黃二劑痛止又十宣

散去桔梗官桂加天花粉金銀花數劑而平

此憑症也

一人年逾四十左足大指赤腫焮痛此脾經積毒下注

而然名曰脫疽喜色赤而腫以人參敗毒散去人參

桔梗加金銀花白芷大黃二劑更以瓜蒌金銀花甘

草節四劑頓退再以十宣散去桔梗桂加金銀花防已數劑愈

一人患此色紫赤不痛隔蒜灸五十餘壯尚不痛又明灸百壯方知乃以敗毒散加金銀花白芷數劑而愈一膏梁年逾五十亦患此色紫黑脚焮痛孫真人曰脫疽之症急斬之去毒延腹必不治色黑不痛者亦不治喜其飲食如故動息自寧為瘡善症遂以連翹敗毒散服六劑更以金銀花瓜蒌甘草節二十餘劑患

指潰脫更以芎歸生地連翹金銀花白芷二十餘劑而愈

次年忽發渴服生津等藥愈盛用八味丸而止

大抵此症皆由膏粱厚味或房勞太過丹石補藥所致其發於指微赤而痛可治治之不愈急斬去之庶可保否則不治色紫黑或發於脚背亦不治或先渴而後發或先發而後渴色紫赤不痛此精氣已竭決不可治

一芻蕘左足指患一泡麻木色赤次日指黑五日連足黑冷不知疼痛脈沉細此脾胃受毒所致進飛龍奪命丹一服翌日令割去足上死黑肉割後骨始痛可

救治以十全大補湯而愈

此因症由黑知為毒盛不在於脈也

蓋死肉乃毒氣盛拒截榮氣所致況至陰之下血氣難達經曰風淫末疾是也向若攻伐之則邪氣乘虛上侵必不救矣

一人足指患之大痛色赤而腫隔蒜灸之痛止以人參



敗毒散去桔梗加金銀花白芷大黃而潰更以仙方

活命飲而痊

此憑症也

此症形勢雖小其惡甚大須隔蒜灸之不痛者宜明  
灸之庶得少殺其毒此症因膏粱厚味酒麪炙燻積  
毒所致或不慎房勞腎水枯竭或服丹石補藥故有  
先渴而後患者有先患而後渴者皆腎水涸不能制  
火故也初發而色黑者不治赤者水未涸尚可若失  
解其毒以致肉死色黑者急斬去之緩則黑延上足

必死而患不問腫潰惟隔蒜灸有效亦有色赤作痛而自潰者元氣未脫易治夫至陰之下血氣難到毒易腐肉藥力又不易到況所用皆攻毒之藥未免先肝腸胃又不能攻敵其毒不若隔蒜灸并割去最為良法孫真人云在指則截在肉則割去即此意也

一人足指患之色黑不痛令明灸三十餘狀而痛喜飲食如常予謂急割去之速服補劑彼不信果延上遂致不救

一人脚背患之色黯而不腫痛煩躁大渴尺脈大  
而濇此精氣已絕不治後歿

又有手指患此色黑不痛其指已死予欲斬去速服補  
藥恐黑上臂不治彼不信另服敗毒藥手竟黑遂不  
救

一人足指患之色紫不痛隔蒜灸五十餘狀尚不知痛  
又明矣百壯始痛更投仙方活命飲四劑乃以托裡

藥潰脫而愈

此悲  
症也

一人脚背患此赤腫作痛隔蒜灸三十餘壯痛止以仙

方活命飲四劑而潰更以托裡消毒藥而愈

此憑症也

一人足指患之色赤焮痛作渴隔蒜灸數壯以仙方活命飲三劑而潰更服托裏藥及加減八味丸潰脫而愈

一婦修傷次指成膿不潰焮痛至手悞敷冷藥以致通潰飲食少思彼為毒氣內攻胗脈沉細此痛傷胃氣而然遂刺之服六君子加藿香當歸食進更以八珍

湯加黃耆白芷桔梗月餘而愈

此憑症脈也

一人傷拇指色紫不痛服托裏藥及灸五十餘壯作痛

潰膿而愈

此憑症也

一幼女因凍傷兩足至春發潰指俱壞令取之服大補

藥而愈

此憑症也

一女患嵌甲傷指年逾不愈日出膿數滴予謂足大指

乃脾經發源之所宜灸患處使瘀肉去陽氣至瘡口

自合否則不治彼惑之不早治後變勞症而歿

蓋至陰之下血氣難到女人患此多因繫縛致血脈  
不通或被風邪所襲則無血氣榮養遂成死肉惟當  
壯脾胃行經絡生血氣則愈有成破傷風以致牙  
關緊急口眼喎邪者先玉真散一百二服然後投  
以生血通經則可

面瘡一百二十 附順毒

一人年逾三十夏月熱病後患順毒積日不潰氣息奄  
奄飲食少思大便不禁脰脈如無經曰脈息如無似

有細而微者陽氣衰也齊氏曰飲食不入大便滑利腸胃虛也以六君子加炮姜肉豆寇破故紙數劑泄稍止食稍進更加黃栢當歸肉桂潰而膿水清稀前藥每服加熟附一錢數劑泄止食進膿漸稠再以十全大補湯加酒炒芍藥白飲月餘而愈

此憑脈症也

一人年踰四十胃氣素弱面常生瘡盜汗發熱用黃耆

建中湯少愈更用補中益氣湯而平

此憑症也

東垣云氣虛則腠理不密邪氣從之逆於肉理故多生

瘡若以甘溫之劑實其根本則腠理自固即無他疾  
一人年三十面患瘡潰已作渴自服托裡及降火藥不  
應脈浮而弱丹溪曰潰瘍作渴屬氣血俱虛遂以參  
耆各三錢歸朮各二錢數服渴止又以八珍湯加  
黃耆數劑脈斂而愈

此憑脈  
症也

一人年四十頭面生瘡數枚焮痛飲冷積日不潰服清  
熱消毒不應脈數按之即實用防風通聖散

十二劑

頓退又以荊防敗毒散

而愈

此憑脈  
症也



一人年逾六十素食厚味頰頤患毒未潰而肉先死脈數無力此胃經積毒所致然頰頤正屬胃經未潰肉死則胃氣虛極老人豈宜患此果歿經曰膏粱之變足生大丁受如持虛此之謂也

口齒一百二十一

一人齒痛脈數實便秘用防風通聖散即愈

此憑脈症也

一人齒痛甚胃脈數實以承氣一劑即止

此憑脈症也

一老齒痛午後則發至晚尤甚胃脈數而實以涼膈散

加荊芥防風石膏一劑而瘳

此憑症脈也

一人齒痛胃脈數而有力以清胃散加石膏荊芥防風

二劑而痊

此憑脈症也

一人齒痛脈浮無力以補中益氣湯加黃連生地黃石

膏治之不復作

憑脈症也

一人齒痛脈數無力用補中益氣加生地牡丹皮而愈

一人齒腫痛燉至頰頤素善飲治以清胃散數劑而愈

一人齒痛服清胃散不應服涼隔散愈盛予用補腎丸

四而愈

此條因治不効而知為腎虛也

一人頰頰腫焮至牙齦右關脈數此胃經風熱上攻也

治以犀角升麻湯而消

此憑症脈也

一婦常口舌糜爛頰赤唇乾眼澁作渴脈數按之則澀此心肺壅熱於氣血為患名熱勞症也當多服滋陰養血藥彼欲速効用敗毒寒劑攻之後變瘵而歿

良方云婦人熱勞者由心肺壅熱傷於氣血氣血不調臟腑壅滯熱毒內積不得宣通之所致也其候心

神煩躁煩赤頭痛眼溢唇乾四肢壯熱煩渴不止口  
舌生瘡神思沉昏嗜卧少寐飲食無味舉體痠疼或  
時心怔或時盜汗肌膚日漸消瘦故名熱勞也

口舌瘡一百二十二

一人胃弱痰盛口舌生瘡服滾痰丸愈盛吐瀉不止惡  
食倦怠此胃被傷也予以香砂六君子湯服數劑少  
可再以補中益氣加茯苓半夏二十餘劑而愈

夫胃氣不足飲食不化亦能為痰補中益氣乃治痰

之法也苟虛症而用峻利之藥鮮有不殆

一人年踰四十貌豐氣弱遇風則弦勞則口舌生瘡胸

常有痰目常赤澁服八味丸而愈

此憑症也

一人脾胃虛初服養胃湯枳朮丸有效久服反虛口舌

生瘡勞則愈盛服敗毒藥則嘔吐此中氣虛寒也治

以理中湯少愈更以補中益氣加半夏茯苓月餘

夫養胃湯香燥藥也若飲食停滯或寒滯中州服則

燥開脾胃宿滯消化少為近理枳朮丸消導藥也雖

有白朮終是燥劑故久服此二藥津液愈燥胃氣愈  
虛況胃氣本虛而用之豈不反甚其病哉 亦有房  
勞過度真陽虛憊或元稟不足不能上蒸中州不運  
致食不進者以補真丸<sup>四三</sup>治之使丹田之火上蒸脾  
土則脾土溫和中焦自治飲食自進經曰飲食不進  
胸膈痞塞或食不消大府滯泄此皆真火不能上蒸  
脾土而然也若腎氣壯則丹田之火上蒸脾土則無  
此病矣 一方 小兒口瘡江茶粉草為末傅之

一方 用黃丹

又方 苦參 黃丹 五倍子 青黛等分研為末敷

又方 青黛 芒消 為末傅

胎毒口瘡 五倍子 黃丹 江茶 芒硝 甘草等

分為末傅

咽喉一百二十三

疼痛或寒熱者邪在表也宜發散

腫痛痰涎壅盛者邪在上也宜降之

痛而脈數無力者屬陰虛宜滋陰降火

腫痛發熱便秘者表裡俱實也宜解表攻裡如症緊急便秘刺患處或刺少商穴

一人咽喉痛脈數以荊防敗毒散加黃連二劑少愈乃去

芩連又六劑而愈

此憑脈症也

一人乳蛾腫痛脈浮數尚未成膿針去惡血飲荊防敗

毒散二劑而消

此憑症也

一人咽喉作痛痰涎上壅予欲治以荊防敗毒散加連



翹山梔玄參牛旁子飲自服甘寒降火之藥反加發熱咽愈腫痛急刺少商二穴仍以前藥加麻黃汗之諸症並退惟咽間一紫泡仍痛此欲作膿以前藥去

麻黃一劑膿潰而愈

此憑症也

凡咽痛之疾治之曰或勢輕者宜荊防敗毒散以散之治之遲或勢重者宜刺少商穴瘀血已結必刺患處亦有刺少商咽雖利而未痊消者必成膿也然膿去則安若有大便秘結者內經針刺去血必以防風

通聖散急攻之然甘寒之劑非虛火不宜用

一婦咽喉腫痛大小便秘以防風通聖散六一劑諸症

悉退又荆防敗毒散服三劑而安

此憑症也

治此輕則荆防敗毒散吹喉散重則用金鑰匙及

刺患處出血最效否則不救針少商二穴亦可但不  
若刺患處之神速耳

一人咽喉腫痛脈數而實以涼隔散一劑而痛止再以  
荆防敗毒散加牛蒡子二劑而腫退以荆防敗毒散

二劑又以甘桔荆防玄參牛蒡子四劑而平

一人噤癰腫痛脈浮數更沉實飲防風通聖散六一劑

瀉一次勢頓退又荆防敗毒散二劑而消此憑症脈也

一人咽喉腫秘牙關緊急針不能入先刺少商二穴出黑

血口即開更針患處飲清咽利隔散一劑而愈此憑症也

大抵吐痰針刺皆有發散之意故多効不用針刺多

致不救

一人咽喉腫閉痰涎壅甚以膽礬吹咽中吐痰碗許更

以清咽利隔湯四劑而安

此惡症也

一人咽喉腫痛藥不能下針患處出紫血少愈以破棺

丹噲之更以清咽消毒散飲而愈

此惡症也

一人咽喉乾燥而痛以四物湯又加黃栢知母玄參四劑少愈再用人參固本丸只一劑不復發

一人口舌生瘡服涼藥愈甚治以理中湯

七二

而愈

此因治誤

而變

一人咽痛午後益甚脈數無力以四物湯

九

加黃栢知

母荆防四劑而愈仍以前藥去荆防加玄參甘桔數劑後不再發

一人口舌糜爛服涼藥愈甚脈數無力以四物加酒炒

黃栢知母玄參一劑頓退四劑而痊

此憑脈症也

一人口舌生瘡飲食不甘勞而愈甚以理中湯頓愈

此憑

症也

一人口舌生瘡脈浮而緩用補中益氣湯六加炮乾薑

更以桂末含之即愈

一人患之勞而愈甚以前藥加附子三片二劑即愈

丹溪曰口瘡服涼藥不愈者此中氣不足虛火從上

無制用理中湯甚則加附子

一弱人咽痛服涼藥或遇勞愈甚以補中益氣湯十六加

芩連四劑而愈乃去芩連又數劑不再發此憑症也

常治午後痛去芩連加黃栢知母玄參亦効

一老咽痛日晡甚以補中益氣湯十六加酒炒黃栢知母

數劑而愈此憑症也

一人乳蛾腫痛飲食不入瘡色白其膿已成針之膿出

即安

此憑症也

一人咽喉腫痛予欲針之以泄其毒彼畏針止服藥然藥既熟已不能下矣始急針患處出毒血更以清咽消毒藥而愈

一患者其氣已絕心頭尚溫急針患處出黑血即甦如鮑符卿喬待郎素有此症每患針去血即愈

大抵咽喉之症皆因火為患其害甚速須分緩急及

膿成否若腫閉及壅塞者死如反掌宜用金鑰匙吹患處吐出痰涎氣得流通則蘇若吐後仍閉乃是惡血或膿毒須急針患處否則不治前人云喉閉之火與救火同不容少待治喉之方固多惟用針有回生之功學者不可不察

一婦咽間作痛兩月後始潰突而不斂遍身筋骨作痛諸藥不應先以革薺湯數劑而斂更以四物湯九倍

用革薺黃耆二十餘劑諸症悉退

此憑症也



一彌月小兒先於口內患之後延於身年餘不愈以革  
薛為末乳汁調服母以白湯調服月餘而愈

此憑症也

一人咽間先患及於身服輕粉之劑稍愈已而復發仍  
服之亦稍愈後大發上腭潰蝕與鼻相通臂腿數枚  
其狀如桃大潰年餘不斂神思倦怠飲食少思虛症  
悉具投以革薛湯為主以健脾胃之劑兼服之月餘

而安

此憑症也

一婦患之臉鼻俱蝕筋骨作痛脚面與膝各腫一塊三

月而潰膿水淋漓半載不飲治以前藥亦愈

此憑症也

一人咽喉腫痛口舌生瘡先以清咽消毒散

六三

二服更

以玄參升麻湯而愈

此憑症也

一人咽喉作痛午後尤甚以四物加酒炒知母黃柏桔

梗治之而愈

此憑症也

一人喉閉服防風通聖散腫不能嚥此症惟針乃可牙

關已閉刺少商出血口即開以膽礬吹患處吐痰二

碗許仍投前藥而愈嘗見此疾畏針不刺多斃

此憑症也

一人喉閉腫痛寒熱脈洪數此少陰心火少陽相火二  
臟為病其症最惡惟刺患處出血為上彼畏針以涼  
隔散<sub>六</sub>服之藥從鼻出急乃願針則牙關已緊遂刺  
少商二穴以手勒出黑血口即開仍刺喉間治以前  
藥及金鑰匙<sub>六</sub>吹之頓退又以人參敗毒散<sub>六</sub>加芩  
連玄參牛旁子四劑而平

經曰太鬱發之出血亦發汗之一端河間曰治喉閉  
之火與救火同不容少怠嘗見喉閉不去血喉風不

去痰以致不救者多矣每治喉咽腫痛或生瘡毒以  
荆防敗毒加芩連重者用防風通聖散並效

一人患此勞則愈盛以補中益氣加元參酒炒黃栢知

母而愈

此憑  
症也

一人口舌常破如無皮狀或咽喉作痛服清咽利膈散

愈盛治以理中湯而愈

此因治不應  
而更方也

精要曰凡癰疽失於治療致令熱毒衝心咽嚨口舌

生瘡甚至生紅黑菌難於治療宜琥珀犀角膏

生犀角屑真琥珀

研

辰砂

研

茯神桂皮

酸棗仁

去殼研

人參

各一錢

腦子

研一字

右為細末入

乳鉢研勻煉蜜搜為膏磁器盛貯疾作每服一彈子

大濃煎麥門冬湯化下一日連進五服或先服犀角

散以解之

生犀角屑玄參

去蘆

升麻生黃耆赤芍藥

麥門冬生甘草當歸

各一兩

大黃

微炒二兩

為粗末每服

三錢水盞半煎至七分去滓溫服

諸哽一百二十四

諸骨哽用象牙末吹患處或取犬涎徐徐嚥下立効用  
芋根搗爛丸如彈子大就將所鯁物煎湯化下 又  
方食橄欖用核為末含之亦効

穀麥芒在咽不出取雞鶩涎含之立消

誤吞金銀等物多食諸般肥肉膏滑自從大便出

誤吞銅錢用炭末白湯調服 多食蜜食飴糖自從

大便出或多食葶薺或胡桃肉錢自消

誤吞針用磁石如棗核大磨令光鑽一孔用線穿含

之針自口出

傷損脈法一百二十五

附破傷風

經云肝脈轉堅而長色不青當病墜若轉因血在脇下

令人嘔逆

金匱云寸口脈浮微而濇當亡血若汗出者當身有瘡  
被刀斧所傷亡血故也

脈經云金瘡出血太多脈虛細者生數實大者死 金  
瘡出血脈沉小者生浮大者死斫刺出血不止者脈

來大者七日死滑細者生

從高顛仆內有瘀血腹脹脈堅強者生小弱者死

破傷有瘀血在內脈堅強實則生虛小弱者死皆為脈病不相應故也

一婦腎癰瘡將愈患破傷風發熱搐搦脈浮數治以當歸地黃湯不信乃服發散敗毒藥果甚始信而服之至數劑而痊

脈浮數而發表今用發表而病重可見脈之浮數



亦有主陰虛者必兼症參之為穩認作陰虛由腎  
癱後也

夫破傷風症須分表裡別虛實不可一槩治之

原病經式

云破傷中風之由因瘡熱甚鬱結而榮衛不得宣通  
沸熱因之遍體故多白痂是時瘡口閉塞氣難通泄  
熱甚則生風也不已則表傳於裡矣但有風熱微甚  
兼化故殊異耳

一法破傷中風風熱燥甚怫鬱在表而裡氣尚平者善

伸數欠筋脈拘急時或惡寒或筋暢而播脈浮數而弦者宜辛熱治風之藥開衝結滯而猶傷寒表熱怫鬱而以麻黃湯辛熱發散者同也凡用辛熱開衝風熱結滯宜以寒藥佐之則良免致藥雖中病而風熱轉甚也如治傷寒發熱用麻黃桂皮加黃芩知母石膏之類足也若世以甘草滑石蔥豉寒藥發散甚妙若表不已漸傷入裡裏又未大甚而脈在肌肉者宜以退風熱開結滯之寒藥調之或微加治風辛熱亦

得猶傷寒在半表半裡以小柴胡和解之意也若裡熱已甚而舌強口禁項背反張驚搐惕搦涎唾涸枯胸腹滿塞而或便溺秘結或時汗出脈洪數而弦也然汗出者由風熱鬱甚於裡而表熱稍罷則腠理疎泄而心火熱甚故汗出也法宜除風散結寒藥下之後以退風熱開鬱滯之寒藥調之而熱退結散則風自愈矣凡治此亦宜按摩導引及以藥斡開牙關勿令口禁使粥藥得下也

病機云破傷風者有因卒暴損傷風襲之間傳播經絡  
致使寒熱更作身體反張口禁不開甚者邪氣入藏  
有因諸瘡不差榮衛俱虛肌肉不生瘡眼不合邪亦  
能外入於瘡為破傷風之疾有諸瘡不差舉世皆言  
著灸為上是為熟瘡而不知火熱客毒逐經傳變不  
可勝數微則發熱甚則生風而搐或角弓反張口禁  
目斜亦有破傷不灸而病此者因瘡著白痂瘡口閉  
塞氣難通泄故陽熱易為鬱結熱甚則生風也 徐用

誠

云此論所因有四一者因瘡口入風似屬外因一

者因瘡口閉塞內熱生風似屬內因也

又云

破傷風

症古方藥論甚少豈非以此疾與中風同論故不另

立條目也唯河間論與傷寒表裡中三法同治用藥

甚詳其言病因有因外傷於風有因灸及內熱所作

者然與中風相似也但中風之人尚可淹延歲月而

破傷風者犯之多致不救蓋中風有在經在臟在府

之異獨入臟者最難治破傷風或始而出血過多或

瘡早閉合瘀血停滯俱是血受病屬陰五臟之所主  
故此風所傷始雖在表隨則必傳入裡臟故多死也  
此病或瘡口袒露不避風寒而有所傷或瘡口閉合  
密被風邪而及病已十分安全而忽有此大抵皆由  
內氣虛而有鬱熱者得之若內氣不虛而無鬱熱者  
雖傷而無所害也

跌蹠一百二十六

一人墜馬兩脇作痛以復元活血湯二劑頓止更以小

柴胡加當歸桃仁二劑而安

此憑症也

一老墜馬腹作痛以復元通氣散用童便調進二服少

愈更以四物加柴胡桃仁紅花四劑而安

此憑症也

一人跌仆皮膚不破兩脇作疼發熱口乾自汗須先飲童便一甌煩渴頓止隨進復元活血湯倍用柴胡青

皮一劑脹痛悉愈又劑而安

發明經

曰從高墜下血

流於內不分十二經絡聖人俱作風中肝血留於脇下以中風療之血者皆肝之所主惡血必歸於肝不

問何經之傷必留於脇下蓋肝主血故也痛甚則必  
自有汗但人汗出皆為風症諸痛皆屬於肝木況敗  
血凝滯從其所屬入於肝也從高墜下逆其所行之  
血氣非肝而何故用破血行經

一人青腫作痛以蘿蔔汁調梔子末敷之以四物湯加  
柴胡黃芩天花粉川山甲二劑少愈更以托裡散健

脾藥而愈

此憑  
症也

杖瘡血熱作痛一百二十七



胸膈脹滿宜行血老弱者宜行氣活血更飲童便酒腸痛者宜下血血去多而煩躁者補血如不應獨參湯或瘀肉不潰或潰而不斂宜大補氣血

一人杖瘡瘀肉不腐乃大補之漸腐更以托裡健脾藥

而愈

此憑症也

一人風入杖瘡牙關緊急以玉真散一服少愈再服而安

一官諫南巡受杖瘀血已散壞肉不潰用托裡藥稍潰

膿清此血氣虛也非大劑參耆不能補彼恐腹滿予

強之飲食稍思遂加大補肉潰膿稠而愈

此憑症也

一嘗治被杖數人皆先散其瘀血漸用排膿托裡之藥

俱愈 夫叫號傷氣忍痛傷血氣血虛明矣况脾主

肌肉脾氣受傷飲食必減血一冰則肌肉不生故必

理脾脾健肉自生非參耆歸耆之類培養脾土則肌

肉何由而生 又須分人虛實及有無瘀血蓋打撲

墜墮皮肉不破肚腹作疼者必有瘀血在內宜復元

活血湯<sup>三</sup>攻之老弱者加桃仁紅花川山甲補而行  
之若血去多而或煩燥此血虛也宜獨參湯補之  
有打撲墜稍輕別無瘀血等症但只痛不止者  
惟和氣血調經脈其痛自止更以養氣血健脾胃無  
有不効亦有痛傷胃氣作嘔或不飲食以四君子  
加藿香砂仁當歸治之

若有瘀血不先消散而加補劑則成實實之禍設無  
瘀血妄行攻利則致虛虛之禍矣

一人因杖臀膝俱潰膿瘀未出時發昏憤此膿毒內作也急開之昏憤愈盛此虛也投八珍湯四十一服少可數服死肉自潰頃取之用猪蹄湯洗淨以神效當歸膏塗貼再服十全大補湯兩月而愈若更投破血之劑危矣此憑症也

大抵杖瘡皆瘀血為患宜速治療淺者砭之深者刺之更以活血流氣藥治之內潰者開之有腐肉取之以壯胃生血藥托之可保無危 有傷筋骨而作痛

者以沒藥降聖丹治之 若牙關緊急或腰背反張者以玉真散治之並効

杖瘡熱血作痛以涼血去瘀血為先須下雞鳴散之類  
黃栢 生地黃 紫金皮皆要藥 生地黃 黃栢  
為末童便調傅或加韭汁不破者以韭菜蔥頭舂碎  
炒熱貼冷則易

膏藥 紫金皮 生地黃 黃栢 乳香 沒藥 大  
黃之類 又方 大黃 黃栢為末生地黃汁調傅

乾則易 又方 野苧根嫩者不拘多少洗淨同鹽  
搗傅傷重多用鹽効

嘗見覆車壓傷者七人仆地呻吟一人未甦俱即令以  
熱童便灌之皆得無事又曾被重車研傷脅悶良久  
復甦胸滿如築氣息不通隨飲熱童便一椀胸寬氣  
利惟小腹作痛與復元活血湯三百一劑便血數升許  
痛腫悉退更服養血氣藥而痊

大凡損傷不問壯弱有無瘀血俱宜熱童便以酒佐

之推陳致新其功甚大

若脇脹或作痛或發熱

煩躁口乾喜冷飲熱童便一甌勝服他藥他藥雖亦取効但有無瘀血不能盡識反致悞人惟童便不動臟腑不傷血氣聞操軍或墜馬傷者服之亦佳又凡腫痛或傷損者以蔥搗爛熱罨之尤妙本草云蔥大利傷損

一人墜馬傷頭并臂取蔥搗爛炒熱罨患處以熱手熨之服沒藥降聖丹百四而愈

一人誤傷去小指一節牙關緊急腰背反張人事不知  
用玉真散<sup>一百</sup>青州白丸子<sup>一百</sup>各一服未應此亦藥  
力不能及也急用蒜搗爛裹患指以艾灸之良久覺  
痛仍以白丸子一服及托裡散數服而愈

夫四肢受惠風邪所襲遏絕經絡者古人所制淋瀝  
貼熒鑱刺等法正為通經絡導引氣血也

### 火瘡一百二十八

一人火瘡驟用涼藥敷貼更加腹脹不食予以人參敗



毒散<sub>六</sub>加木通山梔外用栢葉炒為末麻油調搽漸愈

嘗用煮大汁上浮脂調銀硃更效若用涼藥逼火毒入內多致不救  
湯火瘡以淋了第二次灰搽傳患處

又方 以臘月猪膽塗黃栢炙乾為末傳

熱油湯火傷皮爛肉大痛冷霜散 牡蠣<sub>煨</sub>寒水石<sub>生</sub>

明朴硝 青黛<sub>各一兩</sub> 輕粉一錢 桐油二錢 水一錢以

桃柳枝不佳手攪成膏再以少水溶塗之外用貓兒  
肚底毛細剪摻上新水或油調濕則乾貼痛立止

漆瘡一百二十九

一人漆瘡作嘔由中氣弱漆毒侵之以六君子加砂仁  
藿香酒炒芍藥彼不為然服連翹消毒散嘔果盛復  
邀治以前藥外以香油調鐵絢末塗之而愈

外科理例卷六